

Վանք Ս . Սարայի : Հակոտակութիւն Յունոց : Բանալի այրին Սնըն-
դեան : Վանօրայք ազգաց յԵրուսաղէմ : Եկեղեցին Համբարձման : Գրիգոր
Պարօն Տէր : Վանք Ս . Փրկչի : և գերեզմանատունն անդ :

Մ ԱՆՔ Ս . Սարայի կայր մնայր 'ի ձեռս կրօնաւորացն
Յունաց : Սակայն յետ ժամանակաց ձանձրացեալ 'ի բըռ-
նութենէ Արարացոց , վաճառեցին զայն Սերվիացոց , և
նոքա շինեալ նորոգեցին զաւերեալ տեղիս , եւ կանգնե-
ցին աշտարակս և բուրգս , և կացուցին 'ի նոսա սահապա-
նքս հսկել զցայդ և զցերեկ և զգուշանալ յարձակմանց
Արարացոց , և այսպէս մնաց ժամանակս ինչ 'ի ձեռս նո-
ցա : Ապա 'ի տկարանալ թագաւորացն Սերվիացոց՝ չեղեն
ձեռնհաս նորոգել զվանս , և այս տեւեաց ամս իրրեւ հա-
րիւր , մինչ 'ի ժամանակս Տոսիթիոսի Յոյն պատրիարքի ,
(1504) : Ապա 'ի թագաւորութեան Սուլթան Սէլիմայ Բ .
Որդւոյ Սիւլէյմանայ , եկն յԵրուսաղէմ նոր Բդեշիս , և կրօ-
նաւորքն Սարայի եկին առ նա յողջոյն , որք էին անձինք
իրրեւ 1000 . բերեալ ընծայս՝ և Բդեշիսն ելեալ արտաքս
ետես զնոսա զի զգեցեալ էին սեաւ սքեմս , և եհարց ցնոսա
թէ ուստի իցեն , և նոքա ասեն . 'ի վանաց Ս . Սարայի ,
և նա ասէ , ընկալայ զընծայս ձեր , սակայն ոչ կարեմ թո-
ղուլ զձեզ բնակիլ բազմութեամբ 'ի մի վանս , գուցէ ա-
սլքատամբիցիք և դժուարին լինիցի ինձ յաղթել վանաց
ձերոց , որ ամրացեալ է իրրեւ բերդ ամուր , և դուք իր-
րեւ զինուորք փառաւորք , և յետ խորհելոյ ընդ բարե-
կամս իւր , հրաման ետ Ենիշէրի զօրաց կոտորել զնոսա
'ի բերան սրոյ , որոշեալ 'ի նոցանէ զարս իրրեւ քսան : Եւ
լատին ճանապարհորդն գնացեալ 'ի վանս նոցա , եգիտ
միայն 30 կրօնաւորս . (1570) :

Քարուկիր ձեզունն 'ի վերայ մեծի դրան տաճարի
Ս . Յարութեան 'ի ներքոյ վերնատան Հայոց . որոյ մի
ծայրն հաստատեալ կայր 'ի վերայ Գողգոթայի և փակեալ
դրան , 'ի հնութենէ շինուածոյն յանկարծ քայքայեալ